

Guangjisi Minzcu Bau

ganhhau: CN45-0036 B.2017 Nd.5 Ng.3 liggaueq dingyoux nienz ndwenseiq cobet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3272期

Guengjsae Yungh Lai Cungj Banhfap Genhciz Haifat Caeuq Baujhoh Caez Guh Cauxguh Minzcu Lijyouz Binjbaiz 广西多措并举坚持开发与保护并举打造民族旅游品牌

Gaenh bi neix daeuj, Guengjsae yungh lai cungj banhfap genhciz haifat caeuq baujhoh caez guh, cauxguh lijyouz binjbaiz, bi 2017 geiqdoh nduj, gak ginggih gingdiemj daengx gih gyoebuenq ciepdaih bouxhek 10.62 fanh vunzbaez, saedyienh yingzyez souhaeuj 545.64 fanh maenz, doengz-beij faenbied demlai 58% caeuq 126%.

It dwg doicaenh ginggih daez-sang gaijcauh, haifat minzcu vwnzva lijyouz hanghmoeg. Cungfaen vatcimh gij minzcu daegsaek yenzsu Liujcouh Si Sanhgyangh Duncuz Swciyen caeuq Hozciz Si Bahmaj Yauzcz Swciyen daengj dieg, haenqrenz bangcoh minzcu daegsaek vwnzva dangdieg, baujhoh fungcingz mbanj-ranz. Haenqrenz haifat "ngonz byadah Guengjsae, yawj minzcu Guengjsae, cimz gijgwn ndei conzdungj, eu fwen minzcu" daengj gij

minzcu vwnzva lijyouz binjbaiz gig miz minzcu daegsaek Guengjsae haenx, doiok gij doxgaiq lijyouz fungcingz minzcu minzcu aeu gaujcaz minzcu vwnzva, daejniemh minzcu saedceij caeuq camgya minzcu vwnz-dij guh'angq hozdung guh cawjdaez haenx.

Ngeih dwg swnjcienz conzdungj dinfwngz, baujhoh binjbaiz minzcu Guengjsae. Aeu conzdungj dinfwngz caeuq yisuz daihneix dox giethab, haifat Guengjsae daegsaek gungh-yibinj, doxgaiq dujdwzcanj, doiok huq binjbaiz lijyouz daegsaek Guengjsae. Gaenh bi neix daeuj, laebdaeb bued roengz 1500 lai fanh maenz ngaenz-cienhangh guh swnjcienz, baujhoh caeuq haifat dinfwngz daemj man minzcu Guengjsae, sezgi haifat ok gij doxgaiq geiqniemh caeuq laex binj-cungj lai yiengh, loihhingz caezcienz,

binangz haifat doxgaiq moq 20 cungj doxhwnj caemhcai caux okdaej, gonqlaeng miz 40 lai aen hanghmoeg ndaej swngjbu gaep gohgi cinbuciengj caeuq doxgaiq moq bakvaciengj.

Sam dwg cauxguh vwnzva cingbinj gunghcwngz, fatyienz Guengjsae daegsaek yinzvwnz yisuz. Haenqrenz cauxguh Mbanjdung vwnzva gungh-cwngz cingbinj Duncuz fungcingz daihhingz saedgingj yienjok, ndaej-daengz bouxhek angqcoux. Haenqrenz haiguh Sanhgyangh rongzroeg "bak cien fanh" lijyouz cunghab hanghmoeg hwnjguh, haifat "ngaiz-bakranz, cien hoh doxdax aenvenz, fanh vunz yawj doxdax dinfwngz" daengj daegsaek lijyouz minzcu fungcingz hanghmoeg, hawj bouxhek ndaej daejniemh minzcu fungcingz Mbanjdung.

(Swcigih Minzcunghvej Vangj)



Lungzswng: Nazmbaeklae "Hai Ndaem" Hoh "Haj It"

龙胜:梯田“开耕”庆“五一”

4 nyied 30 hauh, Lungzswng Gak Cuz Swciyen Lungzciz Cin Mbanjcuenghgeq Lungzciz banh "ciet hai ndaem" hozdung. Gyoengq vunzmbanj youq nazmbaeklae guh cibngeih loh hongnaz(sueng ndaem, vat naz, ndai nywj daengj hong), hawj hekyouz ndaw guk rog guk ndaej yawjgonz gij vwnzva dajndaem dangdieg. Ndae youq gyawj daejniemh gij hamzgeih "naednaed cungj sinhoj".

"Ciet hai ndaem" dwg aen ciet conzdungj Lungzswng Gak Cuz Swciyen Lungzciz Cin Mbanjcuenghgeq Lungzciz ndeu, yizsi guhsat le, daengx mbanj hai mieng dwkraemx haeuj naz, hai ndaem doengh namh, hainduj Lungzciz nazmbaeklae seizcin dajndaem. Ndw doz dwg vunzmbanj youq gyang naz guh hong.

(Banh Cisiengz/潘志祥 Vangz Yungjdanh/黄勇丹)

Hocouh Si Banh Aen Ban Swnjcienz Hagsib Dajsiuq Yauzcz 贺州市举办瑶族刺绣传习班

4 nyied 27 hauh, Hocouh Si Bazbu Gih Minzcunghgiz youq Budouz Cin Vangzsiz Cunh Siujyoz banh aen ban son'gyauq dajsiuq, ndangdaenj Yauzcz, gyoengq lingjdauj Bazbu Gih Vwnzdijgiz, Gih Fulenz daengj 30 lai aen minzcu gunghcoz lenzsizvei cwngzyenz danhvei caeuq 50 lai boux yozyenz camgya hai ban yizsi.

Dinfwngz dajsiuq ndawbiengz dwg gij youqgaenj gapbaenz bouhfaenh minzcu conzdungj vwnzva, swnjcienz, baujhoh caeuq hwnghat dajsiuq Yauzcz dwg gij iugouz seizdaih haenx. Daj

2016 nienz 3 nyied hainduj, ginggvaq bi lai seizgan, Bazbu Gih haeujlaeg haiguh hong baujhoh caeuq swnjcienz dajsiuq Yauzcz gij dinfwngz ndaw-biengz neix, gonqlaeng son'gyauq 320 boux bouxak dajsiuq, caux doxgaiq dajsiuq Yauzcz gungh 560 lai gienh.

Baez son'gyauq neix, cingj swcigih gaep feihvuzciz vwnzva yizcanj hanghmoeg bouxswnjcienz Lij Sufangh daeuj vih gyoengq yozyenz gejgangj gij yienzleix fwngz siuq, senj caizliuh, dajveh, vehdoz daengj cihsiz, caemh-caiq yungh yienhciengz guhyienh,

yienhciengz guh daengj fuengsik, fwngz gaem fwngz son'gyauq yozyenz. Doeng-gvaq aen ban son'gyauq, cietsaed gyagiengz le gij cwzyinganj, sijming-ganj gyoengq yozyenz doiq swnjcienz caeuq baujhoh vwnzva ndawbiengz minzcu, doiq swnjcienz, baujhoh, gungganq caeuq hwnghat dinfwngz dajsiuq Yauzcz miz coicaenh cozyung. Gwnz hai ban yizsi, lij fat ciengj hawj 2016 nienzdoz doxgaiq dajsiuq maenndei dem.

(Liuz Cing/刘静 Mwz Ginj-swng/麦谨生)

SIUSIK DINJ 简讯

● 4 nyied 30 hauh, gyoengq vunzmbanj Sanhgyangh Duncuz Swciyen Liengzgouj Yangh Hozlij Cunh cingq youq ndaw naz guh hong. Ngoenzgyaj "haj it" geizgan, aen yienh neix laebdaeb guh seizcin dajndaem dieg haeuxnaz, boux-guhnaz dangdieg ciengj ca seizhong, gaenxmaenx guh hong ndaem gyaj hoh gyaj, vih haeuxnaz fungsou dwk ndei giekdaj.

(Vuz Lenyinh)

● 4 nyied 30 hauh, youq Yungzsuij Myauzcz Swciyen Dalang Cin Lijliengz Gujau Hozcozse, boux nungzgyienz he cingq son'gyauq seyenz dinfwngz ciep raetmoengnaex. Bineix daeuj, aen yienh neix yungh gij vunqsik bangfuz "dangcihbu + hozcozse + ranzungzhoj", yinxlingx ranzungzhoj hwnghat raetmoengnaex, lingzcih, gaeqdoj, bit daengj daegsaek canjnieb, coicaenh boux-guhnaz laisou baenz miz.

(Lungz Linzci)

● 4 nyied 28 hauh banhaemh, Gunghcwngz Yauzcz Swciyen Cungjgunghvei banh "haj it" cizgungh vwnzyi vanjvei. Haemh haenx, 160 lai boux bouxguh hong itsienq daj gak hidungj, gak diuz cansen aen yienh neix daeuj haenx gag bien gag yienj 19 aen cezmuz camgya yienjok, yungh gij vwnzyi hingzsi lai cungj lai yiengh, biujdap le gij gietsim swnjcienz cingsaenz bouxguh hong, gyaenz gangjvei gyaenzhong, ciengj gonq ceng ndei.

(Cwng Ciminj)

● 4 nyied 25 hauh, Denhdwngj Yen haiguh minzcu doxgiet naenghdamz camnai hozdung, lwnh gij cingzgyang hong minzcu cunghgyau daengx yienh, gvangqlangh cam gij yigen caeuq genyi camnai doiqsieng doiq hong minzcu cunghgyau daengx yienh haenx, caemh-caiq fat ngaenz camnai hawj 12 boux camnai doiqsiengq daj vwnzva bumwnz, canghfwen ndawbiengz, diemjguh-yienh hong minzcu daengj 12 aen danhvei daiqbiuj daeuj haenx.

(Vangz Soujgih)